

賢首宗兼慈恩宗第四十二世  
弘法沙門釋成觀敬輯

# 華嚴法門集要

台灣·大毘盧寺  
美國·遍照寺  
敬印



# 目次

序文——得法因緣	釋成觀撰	序文
前言——本書內容簡介	毘盧出版社編輯部	前言
華嚴經入法界品四十二字觀門	唐·不空三藏譯	1
華嚴四十二字門表	唐·不空三藏譯	16
梵字華嚴四十二字母及字輪		19
華嚴起止儀		21
華嚴經淨行品	唐·實叉難陀三藏譯	39
華嚴經普賢行願品	唐·般若三藏譯	61

華嚴普賢行願懺儀 ..... 宋·淨源編集 ..... 103

附錄一：華嚴賢首宗法脈傳承世系表（高原法系） ..... 132

附錄二：紀念法照 ..... 135

## 序文——得法因緣

去年（二〇〇九）年底，<sup>上</sup>欽<sub>下</sub>因老和尚的高徒體會法師，由拙僧的依止弟子法喜師之介紹，來寺造訪。言談中，提及我當時正在翻譯華嚴經，已譯約一半。體會法師遂言欲推介我給欽因長老，傳給我賢首宗的法卷。我聞言大喜，乃頻頻請他圓成此好事。數日後，相約去樹林福慧寺拜見老和尚，老和尚知我在翻譯華嚴經，甚喜，即接受所請，願傳給我法卷；然而又有一喜：老和尚說：此賢首宗法卷兼有二大傳承，即賢首宗及慈恩宗。如此一來，則喜上加喜。於是訂好接法日期為國曆四月二十四日（星期六），上午九時開始。

又，所言「賢首宗」者，乃得自華嚴宗第三祖法藏大師之寶號，由於法藏大師大弘華嚴教，故後世亦稱華嚴宗為賢首宗。復及，華嚴宗之初祖係杜順和尚，二祖為智儼和尚。再者，所言「慈恩宗」即「唯識宗」，又稱「法相宗」，因為唯識宗之開祖窺基大師（玄奘大師之法嗣之一）在世時受太宗皇帝賜住於慈恩寺，故後代即諱窺基大師為慈恩大師，而稱唯識宗為慈恩宗。依

照傳承，賢首宗的法卷自第二十五世祖師高原明昱大師起，即兼慈恩宗。因此拙僧於二〇一〇年四月二十四日所接之法卷即是賢首宗兼慈恩宗第四十二世傳承。附及，鄙人正好於唯識宗諸經論也已有六部註解本問世（其中含：大乘百法明門論今註、因明入正理論義貫、唯識三十論頌義貫、觀所緣緣論義貫、八識規矩頌義貫及六離合釋法式義貫。）再者，慈恩宗的根本經典六經十一論中，華嚴經與解深密經蓋居其首；是故此番接慈恩宗之法卷，因緣實非常殊勝。

賢首宗兼慈恩宗近代傳至北京廣善寺住持<sup>上</sup>慧<sub>下</sub>三老和尚時為第四十世傳人。後慧三老和尚隨政府遷台，並在樹林創建福慧寺，老和尚當時見北京廣善祖庭已曠，恢復前景渺茫，於是定福慧寺為賢首宗之祖庭。爾後慧三長老傳法予欽因老和尚，是為賢首宗兼慈恩宗第四十一世傳人。如今欽因長老傳法於拙僧，是為賢首宗兼慈恩宗第四十二世。又，與拙僧同時接法者，尚有如濟法師，我二人係同時受法。

談到福慧寺，拙僧與此寺之緣可謂深矣。遠在二十年前（一九八九年），

當時我因事從美返台，由於深坑某道場及台北某佛教團體之介，展轉到福慧寺求受穢迹金剛法，當時由<sup>上</sup>敬<sub>下</sub>德法師慨允，代慧三老和尚傳與此法，並囑若修滿四十萬遍，便可傳授他人。我得法感動、感恩至甚，當天並由敬德法師引我至祖師堂及慧老墓前禮拜。敬德法師且於墓前白云：「老和尚，今天成觀法師來接您的法了，我代您老人家傳給他穢迹金剛法。」我於是至誠頂禮三拜。受法後，我即依言至屏東千華寺閉關三個月，專修穢迹金剛法及不動明王法（此為不動寺惟勵法師所傳）。承蒙千華寺乙慧法師悉心護持，在此一併感謝。惜當時由於校對、出版「楞伽經義貫」事，未能圓滿穢迹金剛法四十萬遍。其後於當年回美國，於俄亥俄州獨立市（Independence）繼續閉關八個月的期間，才把四十萬遍圓滿。在此閉關期間亦同時修習準提法（此法係台北大乘講堂普力弘法師所傳。）（附及，數年後，敬德法師圓寂，往生之前他老人家特囑其徒弟體豐師「一定要通知成觀法師」，我接獲計聞之後，於出殯之日，率一眾弟子，乘滿一遊覽車，前往送她老人家最後一程。由感其恩，無以為報故，不顧通教僧尼男女眾尊卑之別，於拈香時，當著大眾，依一乘圓教之

義，頂禮三拜。想來當時一定有許多人嚇呆了，私自謂言：「這傢伙怎麼那麼土！」——然當知經云：釋迦佛往昔爲向羅刹求半句偈捨身的本生故事中，釋迦佛亦曾爲羅刹敷座、頂禮三拜，稟言：「祈請和尚昇法座。」聽受半偈後亦向羅刹禮謝：「頂禮和尚三拜。」然後如約自高處投身捨生，以供羅刹食用。附及，其半句偈是此偈的後半段：「諸行無常，是生滅法；生滅滅已，寂滅爲樂。」這是佛菩薩以法爲重的現身說法。詳見《大般涅槃經》。

於今返觀我出家後的求法、修法，大致可說是——從福慧寺開始，最後又回到福慧寺：從福慧寺的唐密正傳「穢迹金剛法」開始，接連數年於台灣各處皆有修學正統密法（唐密、東密）的因緣，而穢迹金剛實爲我第一尊本尊。其後歷學東密「不動明王法」、唐密「準提法」及台北藥師寺正賢法師所傳東密四度加行。一九九〇年起，並開始到日本高野山、釋迦文院學習東密，其間並於台北補習日語三年，日夜精勤，每天跑二到三個補習班。最後於一九九六年於高野山圓通律寺真別所完成四度加行，種種考試通過，得金胎兩部灌頂，爲高野山真言宗（印日中）三國傳燈第五十三世阿闍梨。而今又得接賢首宗兼

慈恩宗法脈，令拙僧有幸得兼受大乘三大宗派之傳承，是誠無量世來之大幸也。於此之際，特別感激於鄙人修學過程中許許多多的善知識、善友之引介、成全，及師長的不棄、教誨成就，乃至諸在家弟子、檀信之護持，不勝銘感。願令皆同入一真法界，圓成無上菩提。

又，此次接賢首宗兼慈恩宗法脈，對拙僧而言，還有一層重大意義：鄙人自在家初發心學佛起，即深信佛所說的全體佛法係包含兩大部，即「顯教」與「密教」；再詳論之，則可開爲「顯密性相」四大部。而且鄙人深信，若佛弟子發無上菩提心，欲求如來一切智智，修學無量法門，利樂無量眾生，則此「顯密性相」聖教皆須一體等心受持、修學，而不應依於己能、己見，而偏廢，甚或排斥、訛謗其中任何一部分，否則即自障且障他人之菩提道。故拙僧自初發心，即欲修學如來一切正法（深覺：只要是佛說的，我都想學，而無揀擇，以欲成就一切法故）。之後閱華嚴經時，即深受其中無量莊嚴的境界所感。其後學密法時，又知華嚴經係如來一代時教中顯教與密教的交接點（或言華嚴經實係顯密二教的融合之處，亦無不可。）故余今生由福慧寺的「穢迹金

剛法」開始，展轉歷學唐密、東密諸大法，最後回到福慧寺受一真法界的華嚴教及萬法森羅、體性整然的唯識教，能說不是佛法之不可思議？此又是佛菩薩及歷代各宗祖師的慈悲；是中必然含藏深意與期可也乎？再者，更進而言之，我一生所深信的，所至願修學、弘傳的如來顯密性相全體正法，何期竟皆在樹林福慧寺交會！雖則當今世界溜湮，如來聖教深受混濫；但願諸佛菩薩歷代祖師慈悲哀愍濁世眾生，護念拙僧，得以於今生殘餘之歲月，更加精勤，以期光大如來顯密性相全體正法於全世界，利樂無量有情。是為至願、是所至禱。

——釋成觀識於二〇一〇年浴佛節  
於美國密西根州遍照寺



## 前言——本書內容簡介

華嚴法門集要一書之編輯，是爲了紀念台灣大毘盧寺及美國遍照寺住持釋成觀法師於今年（二〇一〇年）四月二十四日蒙樹林福慧寺住持<sup>上</sup>欽<sub>下</sub>因長老傳與賢首宗兼慈恩宗（即華嚴宗兼唯識宗）法脈第四十二世傳人，此一難得之盛事。由此，成觀法師即身兼大乘三大宗派（真言宗、華嚴宗、唯識宗）之傳人。

本書內容含四大部份，第一部份是三篇「華嚴四十二字門」的寶典：

- ①「華嚴經入法界品四十二字觀門」（唐·不空三藏譯）
- ②華嚴四十二字門表（唐·不空三藏譯）
- ③梵字華嚴四十二字母及字輪

這些都是很殊勝寶貴的法門及資料。惜因屬於密教範圍，受持者鮮少。今假殊勝之因緣，藉此書之編集，再度弘揚此無上之法門。附及，「四十二字門」係整部華嚴經之秘旨與精華，亦是如來真言密教之神髓，因爲此四十二個梵字及其觀想法門，即簡捷（非「簡潔」）扼要地呈現了一切佛法最無上的第

一義諦理，若能通達此法門，即得通達無邊第一義諦，一切顯密理事亦皆融通，秘奧殊勝無比。此不但是華嚴宗的無上大寶，亦是如來真言正教（真言宗）之最甚深密寶。此法門如今得以再度傳揚世間，乃眾生無上之福慧因緣。

第二部份爲三篇有關諷誦華嚴經者：

- ①「華嚴起止儀」，爲古來所傳之誦華嚴經及講華嚴經的儀軌
- ②華嚴經淨行品（唐·實叉難陀三藏譯）
- ③華嚴經普賢行願品（唐·般若三藏譯）

以上兩品經文都是一般人所最常誦習的，特編於此，以便於個人日常諷誦及法會共修之用。

第三部份是「華嚴普賢行願懺儀」，亦即俗稱之「華嚴懺」。這部懺本，目前修習的人不多，今後當大力提倡，令其盛行，以俾大眾趣入一真法界之門，速觀華藏法界莊嚴境界，速入普賢不思議解脫門。

第四部份是附錄：「華嚴賢首宗法脈傳承世系表」及紀念法照。

以上簡介本書如是。

—— 昆盧出版社編輯部

# 大方廣佛華嚴經入法界品四十二字觀門

唐特進試鴻臚卿大興善寺三藏沙門

大廣智不空奉 詔譯

爾時善財童子從天宮下，向迦毗羅城，至善知眾藝童子所，頭頂禮敬，於一面立，白言：「聖者，我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說。」時彼童子告善財言：「善男子，我得菩薩解脫名善知眾藝，我

恆稱持入此解脫根本之字。

稱<sup>ㄚ</sup>(a)阿<sup>上</sup>字時，由菩薩威德力，得入無差別境界般若波羅蜜門，悟一切法本不生故。

稱<sup>ㄚ</sup>(ra)囉字時，入無邊際差別般若波羅蜜門，悟一切法離塵垢故。

稱<sup>ㄩ</sup>(pa)跋字時，入法界際般若波羅蜜門，悟一切法勝義諦不可得故。

稱<sup>ㄨ</sup>(ca)左<sup>呼輕</sup>字時，入普輪斷差別般若波羅蜜門，悟一切法無諸行故。

稱<sup>ㄨ</sup>(na)曩<sup>呼舌頭</sup>字時，入無阿賴耶際般若波羅蜜門，悟一切法性相不可得故。

稱<sup>ㄩ</sup>(la)攤字時，入無垢般若波羅蜜門，悟一切法出世間故，愛支因緣永不現故。

稱<sup>ㄨ</sup>(da)娜字時，入不退轉加行般若波羅蜜門，悟一切法調伏寂靜，真如平等無分別故。

稱<sup>ㄨ</sup>(ba)麼字時，入金剛場般若波羅蜜門，悟一切法離縛解故。

稱<sup>ㄨ</sup>(da)拏<sup>上</sup>字時，入普徧輪般若波羅蜜門，悟

一切法離熱矯穢得清涼故。

稱𠂔(sa)灑字時，入海藏般若波羅蜜門，悟一切法無罣礙故。

稱𠂔(va)嘑字時，入普徧生安住般若波羅蜜門，悟一切法言語道斷故。

稱𠂔(ta)多<sub>上</sub>字時，入照曜塵垢般若波羅蜜門，悟一切法真如不動故。

稱𠂔(ya)野字時，入差別積聚般若波羅蜜門，悟一切法如實不生故。

稱𠂔(sta)瑟吒<sub>上二合</sub>字時，入普徧光明息除熱惱般

若波羅蜜門，悟一切法制伏任持相不可得故。

稱𠂔(ka)迦<sub>上</sub>字時，入差別種類般若波羅蜜門，悟一切法作者不可得故。

稱𠂔(sa)娑<sub>上</sub>字時，入現前降霪大雨般若波羅蜜門，悟一切法時平等性不可得故。

稱𠂔(ma)莽<sub>呼輕</sub>字時，入大迅疾眾峯般若波羅蜜門，悟一切法我所執性不可得故。

稱𠂔(ga)譏字時，入普徧輪長養般若波羅蜜門，

悟一切法行取性不可得故。

稱ㄣ(thā)佗<sup>上</sup>字時，入真如無差別般若波羅蜜門，悟一切法處所不可得故。

稱ㄨ(jā)惹<sup>蘇我反</sup>字時，入世間流轉窮源清淨般若波羅蜜門，悟一切法能所生起不可得故。

稱ㄨ(śva)娑嚩<sup>合二</sup>字時，入念一切佛莊嚴般若波羅蜜門，悟一切法安隱性不可得故。

稱ㄑ(dhā)馱字時，入觀察法界道場般若波羅蜜門，悟一切法能持界性不可得故。

稱ㄎ(śa)捨字時，入隨順一切佛教般若波羅蜜門，悟一切法寂靜性不可得故。

稱ㄎ(khā)佉<sup>上</sup>字時，入現行因地智慧藏般若波羅蜜門，悟一切法如虛空性不可得故。

稱ㄎ(kṣā)訖灑<sup>合二上</sup>字時，入決擇息諸業海藏般若波羅蜜門，悟一切法窮盡性不可得故。

稱ㄎ(stā)娑頹<sup>合二上</sup>字時，入摧諸煩惱清淨光明般若波羅蜜門，悟一切法住持處非處令不動轉性不可得故。

稱𠄎(ña)孃上輕呼字時，入出世間了別般若波羅蜜門，悟一切法能所知性不可得故。

稱𠄎(rtha)囉佗上二合字時，入逆生死輪智道場般若波羅蜜門，悟一切法執著義性不可得故。

稱𠄎(bha)婆去引字時，入一切宮殿道場莊嚴般若波羅蜜門，悟一切法可破壞性不可得故。

稱𠄎(cha)磋上字時，入修行加行藏蓋差別道場般若波羅蜜門，悟一切法欲樂覆性不可得故。

稱𠄎(sma)娑麼合二字時，入現見十方諸佛旋般若波

羅蜜門，悟一切法可憶念性不可得故。

稱𠄎(hva)訶嚩合二字時，入觀察一切眾生堪任力徧生海藏般若波羅蜜門，悟一切法可呼召性不可得故。

稱𠄎(tsa)哆娑合二字時，入一切功德海趣入修行源底般若波羅蜜門，悟一切法勇健性不可得故。

稱𠄎(gha)伽上字時，入持一切法雲堅固海藏般若波羅蜜門，悟一切法厚平等性不可得故。

稱𠄎(tha)姹上字時，入願往詣十方現前見一切佛

般若波羅蜜門，悟一切法積集性不可得故。

稱𑖀(ṇa)𑖀<sup>上</sup>字時，入字輪積集俱𑖀字般若波羅蜜門，悟一切法離諸諍諍、無往無來、行住坐臥不可得故。

稱𑖁(pha)頗字時，入成熟一切眾生際往詣道場般若波羅蜜門，悟一切法徧滿果報不可得故。

稱𑖂(ska)塞迦<sup>上二合</sup>字時，入無著無礙解脫地獄光明輪普照般若波羅蜜門，悟一切法積聚蘊性不可得故。

稱𑖃(ysa)也娑<sup>上二合</sup>字時，入宣說一切佛法境界般

若波羅蜜門，悟一切法衰老性相不可得故。

稱𑖄(śca)室左<sup>上二合</sup>字時，入一切虛空以法雲雷震吼普照般若波羅蜜門，悟一切法聚集足跡不可得故。

稱𑖅(ta)咤<sup>上</sup>字時，入無我利益眾生究竟邊際般若波羅蜜門，悟一切法相驅迫性不可得故。

稱𑖆(dha)荼<sup>引去</sup>字時，入法輪無差別藏般若波羅蜜門，悟一切法究竟處所不可得故。



善男子，我稱如是入諸解脫根本字時，此四十二般若波羅蜜為首，入無量無數般若波羅蜜門。

又善男子，如是字門是能悟入法空邊際；除如是字表諸法空更不可得。何以故？如是字義不可宣說、不可顯示、不可執取、不可書持、不可觀察，離諸相故。善男子，譬如虛空是一切物所歸趣處，此諸字門亦復如是，諸法空義皆入此門方得顯了。

若菩薩摩訶薩於如是入諸字門，得善巧智，於諸言音所詮所表，皆無罣礙；於一切法平等空性，盡能證持；於眾言音咸得善巧。

若菩薩摩訶薩能聽如是入諸字門，印阿<sup>上</sup>字印，聞已受持，讀誦通利，為他解說，不貪名利，由此因緣得二十種殊勝功德。何等二十？謂得<sup>(1)</sup>彊憶念，得<sup>(2)</sup>勝慚愧，得<sup>(3)</sup>堅固力，得<sup>(4)</sup>法旨趣，得<sup>(5)</sup>增上覺，得<sup>(6)</sup>殊勝慧，得<sup>(7)</sup>無礙辯，得<sup>(8)</sup>總持門，得<sup>(9)</sup>無疑惑，得<sup>(10)</sup>違順語不生恚愛，得<sup>(11)</sup>無高下、平等

而住，得於有情言音善巧，<sup>(12)</sup>得蘊善巧、處善巧、界善巧，<sup>(14)</sup>得緣起善巧、因善巧、緣善巧、法善巧，<sup>(15)</sup>得根勝劣智善巧、他心智善巧，<sup>(16)</sup>得觀星曆善巧，<sup>(17)</sup>得天耳智善巧、宿住隨念智善巧、神境智善巧、死生智善巧，<sup>(18)</sup>得漏盡智善巧，<sup>(19)</sup>得說處非處智善巧，<sup>(20)</sup>得往來等威儀路善巧，是為得二十種殊勝功德。

（編註：以上各條之阿拉伯數字，係本版編者所加，以便現代人讀誦理解，但誦經時，這些數字不須要念。）

善男子，我唯知此入諸解脫根本字智。如諸菩薩摩訶薩能於一切世間善巧之法，以智通達，

到於彼岸，而我云何能知能說彼功德行！」時善財童子，頭面敬禮眾藝之足，繞無數帀，戀仰而去。

### 大方廣佛華嚴經入法界品四十二字觀門

（編註：此為依中國歷代所傳版本，而非依日本大正藏所編者。）

30

𑖀 𑖁 𑖂 𑖃 𑖄  
磋 婆 囉 孃 娑  
佉 佉 佉 佉 佉

一切法欲樂覆性不可得  
一切法可破壞性不可得  
一切法執著義性不可得  
一切法能所知性不可得  
一切法住持處非處令不動轉性不可得

25

𑖅 𑖆 𑖇 𑖈 𑖉  
訖 佉 佉 𑖊 𑖋  
訖 佉 佉 𑖌 𑖍  
訖 佉 佉 𑖎 𑖏

一切法安隱性不可得  
一切法能持界性不可得  
一切法寂靜性不可得  
一切法如虛空性不可得  
一切法窮盡性不可得

20

𑖐 𑖑 𑖒 𑖓 𑖔  
惹 佉 識 莽 娑

一切法時平等性不可得  
一切法我所執性不可得  
一切法行取性不可得  
一切法處所不可得  
一切法能所生起不可得

華嚴四十二字門表

15

𑖕 𑖖 𑖗 𑖘 𑖙  
迦 瑟 野 多 嚩  
吒 吒 吒 吒 吒

一切法作者不可得  
一切法制伏任持相不可得  
一切法如實不生  
一切法真如不動  
一切法言語道斷

10

𑖚 𑖛 𑖜 𑖝 𑖞  
灑 拏 麼 娜 囉

一切法無罣礙  
一切法離熱矯穢得清涼故  
一切法離縛解  
一切法調伏寂靜，真如平等無分別故  
一切法出世間故，愛支因緣永不現故

5

𑖟 𑖠 𑖡 𑖢 𑖣  
曩 左 跛 囉 阿

一切法性相不可得  
一切法無諸行  
一切法勝義諦不可得  
一切法離塵垢  
一切法本不生

35

娑

娑麼

一切法可憶念性不可得

訶

訶嘯

一切法可呼召性不可得

哆

哆娑

一切法勇健性不可得

伽

伽

一切法厚平等性不可得故

佗

佗姪

一切法積集性不可得

𠵼

𠵼

一切法離諸諍、無往無來、行住坐臥不可得

頗

頗

一切法徧滿果報不可得

𠵼

塞迦

一切法積聚蘊性不可得

𠵼

也娑

一切法衰老性相不可得

𠵼

室左

一切法聚集足跡不可得

40

𠵼

𠵼

一切法相驅迫性不可得

𠵼

茶

一切法究竟處所不可得

(註：漢譯字母為兩個字時，表二合音)

——出自不空三藏譯華嚴經  
入法界品四十二字觀門

梵字華嚴四十二字母

𑖀 𑖁 𑖂 𑖃 𑖄 𑖅 𑖆 𑖇 𑖈 𑖉 𑖊 𑖋 𑖌 𑖍 𑖎  
𑖏 𑖐 𑖑 𑖒 𑖓 𑖔 𑖕 𑖖 𑖗 𑖘 𑖙 𑖚 𑖛 𑖜 𑖝  
𑖞 𑖟 𑖠 𑖡 𑖢 𑖣 𑖤 𑖥 𑖦 𑖧 𑖨 𑖩 𑖪 𑖫 𑖬 𑖭 𑖮 𑖯  
𑖰 𑖱 𑖲 𑖳 𑖴 𑖵 𑖶 𑖷 𑖸 𑖹 𑖺 𑖻 𑖼 𑖽 𑖾 𑖿

# 四十二字輪



華嚴起止儀

出自華嚴法會起止儀、華嚴道場起止大略、及禪門日誦

香讚

爐 香 乍 爇 法 界 蒙 熏 諸 佛 海 會 悉

遙 聞 隨 處 結 祥 雲 誠 意 方 殷

諸 佛 現 全 身 南 無 香 雲 蓋 菩 薩 摩 訶 薩 南

無 香 雲 蓋 菩 薩 摩 訶 薩 南 無 香 雲 蓋 菩 薩

摩 訶 薩

### 起梵腔白

主經者出班白云：

遮那妙體。徧法界以為身。華藏莊嚴。等太虛而為量。維此法會。不異寂場。極依正以常融。在聖凡而靡間。初成正覺。現神變於菩提場中。再轉法輪。震圓音於普光明殿。徧七處而恆演。歷九會以同宣。敷萬行之因華。嚴一乘之道果。謹遵教典。大啟法筵。仰祝  
邦基鞏固。民道遐昌。佛日增輝。法輪常轉。十方施主。增益福田。法界眾生。同圓種智。」

### 鐘聲偈

此偈於講經時方用  
誦經時可略去

鐘聲傳華藏界內 佛法揚塵刹國中  
功勛祈世界和平 利益報檀那厚德

主經者歸位

南無華嚴教主盧舍那佛 三稱

### 開經偈

無上甚深微妙法 百千萬劫難遭遇  
我今見聞得受持 願解如來真實義

以上香讚文偈，乃每日初起經用



### 誦經或講經

起經卷。每卷經畢時，誦以下補闕真言，舉讚。若為講經，講畢舉讚。

#### 補闕真言

南無三滿哆。沒馱喃。阿鉢囉帝。喝多折。折捺彌。唵。雞  
彌雞彌。怛塔葛塔喃。末瓦山。訶鉢囉帝。烏怛摩怛摩。  
怛塔葛塔喃。末瓦吽。發莎訶。

#### 其一·佛讚

華嚴海會。舍那如來。蓮華藏海坐華臺。諸佛歎奇  
哉。萬象昭回。幽暗一時開。一卷之三卷

#### 其二·法讚

華嚴海會。寶藏靈文。大千經卷一微塵。剖出在當  
人。華雨繽紛。法界普熏聞。四卷之五卷

#### 其三·海會眾讚

華嚴海會。十聖三賢。華臺寶座擁諸天。法界廣無  
邊。助佛宏宣。陸地綻金蓮。六卷之八卷

#### 其四·九會讚

華嚴海會。覺帝揚靈。菩提場內道初成。夜半覩明  
星。普救迷情。幽暗悉光明。九卷之十一卷

(一)

(二)

普光明殿。大法宏宣。如來名號廣無邊。四諦義幽玄。法炬常然。普獻法王前。十二卷之十五卷

(三)

菩提樹下。不動而升。天王帝釋遠相迎。敷坐已圓成。覺帝揚聲。萬象悉皆聽。十六卷之十八卷

(四)

波騰行海。雲布慈門。夜摩天上眾雲臻。圍繞法王尊。花雨繽紛。一會儼然存。十九卷之二十一卷

(五)

率陀天上。慧日舒光。十回向義廣宣揚。苦海作津梁。化日舒長。花雨散天香。二十二卷之三十三卷

(六)

高升他化。自在天宮。廣宣十地義無窮。行佈盡圓

(七)

融。慧燄重重。爍破太虛空。三十四卷之三十九卷

普光再會。大法重宣。高超十聖與三賢。等覺義幽玄。心月孤圓。究竟離言詮。四十卷之五十二卷

(八)

普光三會。萬行圓修。普賢餅瀉二千酬。苦海泛慈舟。一句全收。法義一齊周。五十三卷之五十九卷

福城東際。童子南詢。百城烟水渺無垠。知識異常倫。五十三人。一曲和陽春。六十卷之八十卷

每讚畢舉字母讚，字母讚畢接唱字母

字母讚、四十二字母

四十二字母出自實叉難陀  
三藏譯華嚴經入法界品

華嚴字母 眾藝親宣 善財童子得真傳 祕密

義幽玄 功德無邊 唱誦利人天

唱

阿○ 俠鞞翁烏爇 哀醫因安 音諳謳阿  
多○ 當登東都刀 驢低顛單 顛耽兜多  
波○ 幫崩 開 逋褒 碩卑賓般 斌般 褒波  
左○ 臧增宗租遭 災賈津錢 浸簪陬左

唵

那○ 囊能濃奴猱 痢泥年難 誑南谿那

邏○ 郎楞籠盧勞 來黎隣闌 林藍婁邏

拖○ 唐騰同徒陶 臺啼田檀 田覃頭拖

婆○ 傍朋蓬蒲袍 牌毘頻槃 勞 苴哀婆

荼○ 長澄重除桃 婢池陳獮 沉憾儔荼

沙○ 霜生舂疎稍 唼詩申山 深衫搜沙

嚩○ 忘 憍 馮 無聲 惛 微文構 艾 瑗 零 嚩

哆○ 鎗燈冬都凋 慳堤顛殫 顛 擔 佉 哆

也○ 陽蠅容余遙 唯 移寅延 淫鹽由也

那 邏 拖 婆 荼 沙 嚩 哆 也

瑟<sup>三</sup>二<sup>〇</sup> 尸<sup>〇</sup>尸<sup>〇</sup>書<sup>〇</sup>書<sup>〇</sup>尸<sup>〇</sup>尸<sup>〇</sup>師<sup>〇</sup>尸<sup>〇</sup>尸<sup>〇</sup>師<sup>〇</sup>尸<sup>〇</sup>師<sup>〇</sup>尸<sup>〇</sup>師<sup>〇</sup>師<sup>〇</sup>師<sup>〇</sup> 吒<sup>〇</sup>合<sup>〇</sup>張<sup>〇</sup>徵<sup>〇</sup>中<sup>〇</sup>朱<sup>〇</sup>朝<sup>〇</sup>裡<sup>〇</sup>知<sup>〇</sup>珍<sup>〇</sup>檀<sup>〇</sup>估<sup>〇</sup>詰<sup>〇</sup>翰<sup>〇</sup>吒<sup>〇</sup>

迦<sup>〇</sup>岡<sup>〇</sup>拈<sup>〇</sup>公<sup>〇</sup>孤<sup>〇</sup>高<sup>〇</sup>該<sup>〇</sup>雞<sup>〇</sup>斤<sup>〇</sup>干<sup>〇</sup>金<sup>〇</sup>甘<sup>〇</sup>鈎<sup>〇</sup>迦<sup>〇</sup>

娑<sup>〇</sup>桑<sup>〇</sup>僧<sup>〇</sup>椹<sup>〇</sup>甦<sup>〇</sup>騷<sup>〇</sup>腮<sup>〇</sup>西<sup>〇</sup>新<sup>〇</sup>珊<sup>〇</sup>心<sup>〇</sup>三<sup>〇</sup>凍<sup>〇</sup>娑<sup>〇</sup>

麼<sup>〇</sup>茫<sup>〇</sup>瞢<sup>〇</sup>蒙<sup>〇</sup>模<sup>〇</sup>毛<sup>〇</sup>理<sup>〇</sup>彌<sup>〇</sup>民<sup>〇</sup>瞞<sup>〇</sup>姘<sup>〇</sup>姆<sup>〇</sup>麼<sup>〇</sup>

伽<sup>〇</sup>强<sup>〇</sup>殍<sup>〇</sup>窮<sup>〇</sup>渠<sup>〇</sup>喬<sup>〇</sup>措<sup>〇</sup>奇<sup>〇</sup>勤<sup>〇</sup>虔<sup>〇</sup>琴<sup>〇</sup>鉗<sup>〇</sup>求<sup>〇</sup>伽<sup>〇</sup>

他<sup>〇</sup>湯<sup>〇</sup>鑿<sup>〇</sup>通<sup>〇</sup>琮<sup>〇</sup>叨<sup>〇</sup>胎<sup>〇</sup>梯<sup>〇</sup>天<sup>〇</sup>灘<sup>〇</sup>擔<sup>〇</sup>貪<sup>〇</sup>偷<sup>〇</sup>他<sup>〇</sup>

社<sup>〇</sup>常<sup>〇</sup>成<sup>〇</sup>慵<sup>〇</sup>蝮<sup>〇</sup>韶<sup>〇</sup>湏<sup>〇</sup>時<sup>〇</sup>辰<sup>〇</sup>禪<sup>〇</sup>諶<sup>〇</sup>蟾<sup>〇</sup>酬<sup>〇</sup>社<sup>〇</sup>

鑊<sup>〇</sup>類<sup>〇</sup>僧<sup>〇</sup>敵<sup>〇</sup>蘇<sup>〇</sup>掃<sup>〇</sup>認<sup>〇</sup>洗<sup>〇</sup>凶<sup>〇</sup>傘<sup>〇</sup>霖<sup>〇</sup>糝<sup>〇</sup>寥<sup>〇</sup>鑊<sup>〇</sup>

施<sup>〇</sup>堂<sup>〇</sup>滕<sup>〇</sup>筒<sup>〇</sup>途<sup>〇</sup>桃<sup>〇</sup>擡<sup>〇</sup>提<sup>〇</sup>田<sup>〇</sup>壇<sup>〇</sup>田<sup>〇</sup>談<sup>〇</sup>投<sup>〇</sup>施<sup>〇</sup>

唱<sup>〇</sup>

吒<sup>〇</sup>瑟<sup>〇</sup>

奢<sup>〇</sup>傷<sup>〇</sup>升<sup>〇</sup>春<sup>〇</sup>書<sup>〇</sup>燒<sup>〇</sup>篩<sup>〇</sup>尸<sup>〇</sup>伸<sup>〇</sup>氈<sup>〇</sup>琛<sup>〇</sup>苦<sup>〇</sup>收<sup>〇</sup>奢<sup>〇</sup>

佉<sup>〇</sup>康<sup>〇</sup>碯<sup>〇</sup>空<sup>〇</sup>枯<sup>〇</sup>尻<sup>〇</sup>開<sup>〇</sup>欺<sup>〇</sup>緊<sup>〇</sup>看<sup>〇</sup>欽<sup>〇</sup>龕<sup>〇</sup>羈<sup>〇</sup>佉<sup>〇</sup>

叉<sup>〇</sup>創<sup>〇</sup>瑋<sup>〇</sup>衝<sup>〇</sup>初<sup>〇</sup>抄<sup>〇</sup>釵<sup>〇</sup>鴟<sup>〇</sup>嗔<sup>〇</sup>獬<sup>〇</sup>諶<sup>〇</sup>攙<sup>〇</sup>搗<sup>〇</sup>叉<sup>〇</sup>

婆<sup>〇</sup>多<sup>〇</sup>合<sup>〇</sup>思<sup>〇</sup>登<sup>〇</sup>蘇<sup>〇</sup>蘇<sup>〇</sup>思<sup>〇</sup>思<sup>〇</sup>西<sup>〇</sup>西<sup>〇</sup>思<sup>〇</sup>西<sup>〇</sup>思<sup>〇</sup>思<sup>〇</sup>婆<sup>〇</sup>

壤<sup>〇</sup>穰<sup>〇</sup>仍<sup>〇</sup>茸<sup>〇</sup>如<sup>〇</sup>饒<sup>〇</sup>俠<sup>〇</sup>而<sup>〇</sup>仁<sup>〇</sup>然<sup>〇</sup>任<sup>〇</sup>冪<sup>〇</sup>柔<sup>〇</sup>壤<sup>〇</sup>

曷<sup>〇</sup>三<sup>〇</sup>杭<sup>〇</sup>恆<sup>〇</sup>洪<sup>〇</sup>胡<sup>〇</sup>毫<sup>〇</sup>孩<sup>〇</sup>奚<sup>〇</sup>賢<sup>〇</sup>寒<sup>〇</sup>言<sup>〇</sup>含<sup>〇</sup>候<sup>〇</sup>曷<sup>〇</sup>

羅<sup>〇</sup>郎<sup>〇</sup>楞<sup>〇</sup>籠<sup>〇</sup>盧<sup>〇</sup>勞<sup>〇</sup>來<sup>〇</sup>黎<sup>〇</sup>嶙<sup>〇</sup>闌<sup>〇</sup>林<sup>〇</sup>藍<sup>〇</sup>婁<sup>〇</sup>擺<sup>〇</sup>

多<sup>〇</sup>合<sup>〇</sup>當<sup>〇</sup>登<sup>〇</sup>東<sup>〇</sup>都<sup>〇</sup>刀<sup>〇</sup>豔<sup>〇</sup>低<sup>〇</sup>顛<sup>〇</sup>單<sup>〇</sup>耽<sup>〇</sup>兜<sup>〇</sup>多<sup>〇</sup>

車<sup>〇</sup>昌<sup>〇</sup>稱<sup>〇</sup>衝<sup>〇</sup>樞<sup>〇</sup>招<sup>〇</sup>差<sup>〇</sup>蚩<sup>〇</sup>瞋<sup>〇</sup>闡<sup>〇</sup>覲<sup>〇</sup>瞻<sup>〇</sup>犍<sup>〇</sup>車<sup>〇</sup>

唱<sup>〇</sup>

曷<sup>〇</sup>

車<sup>〇</sup>婆<sup>〇</sup>多<sup>〇</sup>擺<sup>〇</sup>曷<sup>〇</sup>壤<sup>〇</sup>多<sup>〇</sup>婆<sup>〇</sup>叉<sup>〇</sup>佉<sup>〇</sup>奢<sup>〇</sup>

娑合二○ 斯萌蘇模思 埋迷民蠻 西思 西思 西思 西思 娑

詞合二○ 欣亨烘呼蒿 排希○預 含 含 含 含 娑

娑合二○ 旁朋蓬蒲袍 排毘貧拌 ○ 蓬 哀 娑

娑合二○ 喪僧鬆蘇綵 顯西辛珊 苾糝鏤綵

娑合二○ 强擊蛩劬翹 散其芹乾禽鍼裘伽

娑合二○ 張徵中豬朝 裡知珍擅 砧沾轉吒

娑合二○ 孃蠹醜柳燒 捍尼紉嚙 誑誦孺拏

娑合二○ 滂湍律蒲胞 巖披份潘 西思 西思 西思 西思 娑

娑合二○ 岡扼公孤高 該鷄斤干 今甘勾 迦

娑

娑

娑

娑

娑

娑

娑

娑

也合二○ 桑僧 亦亦 亦亦 亦亦 亦亦 亦亦 亦亦 亦亦 娑

室二○ 臧增宗租遭 災費津 浸 簪 陬 左

左室二○ 葛燈踵攄超 捩絺聯脰 琛覘抽侘

左室二○ 唐滕彤圖韜 駘驥田驪 曇毘陀

字時 普願法界眾生 入般若波羅密門

四十二字妙陀羅 字字包含義理多

左○阿○多○波○

梵韻滿娑婆 功德大法界沐恩波 四生九有

娑

娑

娑

娑

同登華藏玄門 八難三途 共入毘盧性海

南無華嚴海會佛菩薩 三稱

空圈中所填之字，系借音相近者用之。行者且依此唱到熟後，本音自出矣。

禮華嚴文 隨州大洪山遂禪師作

稽首華嚴真性海 種種光明徧照尊

普賢萬行所莊嚴 一切真如法界藏

龍樹龍宮親誦憶 實又于闐闐微言

一乘圓頓妙法門 見性成佛真祕典

手捧目觀心口誦 當知夙有大因緣

見聞隨喜發菩提 究竟圓成薩婆若

南無毘盧教主。華藏慈尊。演寶偈之金文。布琅函之玉軸。塵塵混入。剎剎圓融。十兆九萬五千四十八字。一乘圓教。大方廣佛華嚴經。若人欲了知。三世一切佛。應觀法界性。一切惟心造。常願供養常恭敬。七處九會佛菩薩。常願證入常宣說。五周四分華嚴經。常願供養無休歇。九十剎塵菩薩眾。常願悟入常宣說。大方廣佛華嚴經。伏願

某甲 弟子眾等

生生世世。在在處處。

處。眼中常見如是經典。耳中常聞如是經典。口中常誦如是經典。手中常書如是經典。心中常悟如是經典。願生生世世。在在處處。常得親近華藏一切聖賢。常蒙華藏一切聖賢。慈悲攝受。如經所說。願悉證明。願如善財菩薩。願如文殊師利菩薩。願如彌勒菩薩。願如普賢菩薩。願如觀世音菩薩。願如毘盧遮那佛。以此稱經功德。以此發願功德。願與四恩三有。法界一切眾生。消無始以來。盡法界。虛空界。無量罪垢。願與四恩三有。法界一切眾生。解無始以來。盡法界。虛

空界。無量冤業。願與四恩三有。法界一切眾生。集無始以來。盡法界。虛空界。無量福智。同遊華藏莊嚴海。共入菩提大道場。

南無大方廣佛華嚴經。華嚴海會佛菩薩。三稱

三歸依

自歸依佛。當願眾生。體解大道。發無上心。  
自歸依法。當願眾生。深入經藏。智慧如海。  
自歸依僧。當願眾生。統理大眾。一切無礙。  
和南聖眾。

回向

誦經功德殊勝行 無邊勝福皆迴向  
普願沉溺諸有情 速往無量光佛剎  
十方三世一切佛 一切菩薩摩訶薩  
摩訶般若波羅蜜



大方廣佛華嚴經卷第十四

（編註：此為依中國歷代所傳版本，而非依日本大正藏所編者。）

唐于闐國三藏沙門實叉難陀譯

淨行品第十一

爾時智首菩薩問文殊師利菩薩言：「佛子，菩薩云何得無過失身語意業？云何得不害身語意業？云何得不可毀身語意業？云何得不可壞身語意業？云何得不退轉身語意業？云何得不可動身語意業？云何得殊勝身語意業？云何得清淨身語意業？云何得無染身語意業？云何得

智為先導身語意業？云何得生處具足、種族具足、家具足、色具足、相具足、念具足、慧具足、行具足、無畏具足、覺悟具足？云何得勝慧、第一慧、最上慧、最勝慧、無量慧、無數慧、不思議慧、無與等慧、不可量慧、不可說慧？云何得因力、欲力、方便力、緣力、所緣力、根力、觀察力、奢摩他力、毗鉢舍那力、思惟力？云何得蘊善巧、界善巧、處善巧，緣起善巧，欲界善巧、色界善巧、無色界善巧，

過去善巧、未來善巧、現在善巧？云何善修習念覺分、擇法覺分、精進覺分、喜覺分、猗覺分、定覺分、捨覺分，空、無相、無願？云何得圓滿檀波羅蜜、尸波羅蜜、羸提波羅蜜、毗黎耶波羅蜜、禪那波羅蜜、般若波羅蜜，及以圓滿慈悲喜捨？云何得處非處智力、過未現在業報智力、根勝劣智力、種種界智力、種種解智力、一切至處道智力、禪解脫三昧染淨智力、宿住念智力、無障礙天眼智力、斷諸

習智力？云何常得天王、龍王、夜叉王、乾闥婆王、阿修羅王、迦樓羅王、緊那羅王、摩睺羅伽王、人王、梵王之所守護，恭敬供養？云何得與一切眾生為依為救、為歸為趣、為炬為明、為照為導、為勝導為普導？云何於一切眾生中為第一為大、為勝為最勝、為妙為極妙、為上為無上、為無等為無等等？」

爾時文殊師利菩薩告智首菩薩言：「善哉佛子，汝今為欲多所饒益，多所安隱，哀愍世

間，利樂天人，問如是義。佛子，若諸菩薩善用其心，則獲一切勝妙功德，於諸佛法心無所礙，住去來今諸佛之道，隨眾生住，恆不捨離；如諸法相，悉能通達；斷一切惡，具足眾善——當如普賢，色像第一，一切行願皆得具足。於一切法，無不自在，而為眾生第二導師。佛子，云何用心，能獲一切勝妙功德？佛子：

菩薩在家 當願眾生 知家性空 免其逼迫

孝事父母 當願眾生 善事於佛 護養一切  
妻子集會 當願眾生 怨親平等 永離貪著  
若得五欲 當願眾生 拔除欲箭 究竟安隱  
伎樂聚會 當願眾生 以法自娛 了伎非實  
若在宮室 當願眾生 入於聖地 永除穢欲  
著瓔珞時 當願眾生 捨諸偽飾 到真實處  
上昇樓閣 當願眾生 昇正法樓 徹見一切  
若有所施 當願眾生 一切能捨 心無愛著  
眾會聚集 當願眾生 捨眾聚法 成一切智

若在厄難 當願眾生 隨意自在 所行無礙  
捨居家時 當願眾生 出家無礙 心得解脫  
入僧伽藍 當願眾生 演說種種 無乖諍法  
詣大小師 當願眾生 巧事師長 習行善法  
求請出家 當願眾生 得不退法 心無障礙  
脫去俗服 當願眾生 勤修善根 捨諸罪軛  
剃除鬚髮 當願眾生 永離煩惱 究竟寂滅  
著袈裟衣 當願眾生 心無所染 具大仙道  
正出家時 當願眾生 同佛出家 救護一切

自歸於佛 當願眾生 紹隆佛種 發無上意  
自歸於法 當願眾生 深入經藏 智慧如海  
自歸於僧 當願眾生 統理大眾 一切無礙  
受學戒時 當願眾生 善學於戒 不作眾惡  
受闍梨教 當願眾生 具足威儀 所行真實  
受和尚教 當願眾生 入無生智 到無依處  
受具足戒 當願眾生 具諸方便 得最勝法  
若入堂宇 當願眾生 昇無上堂 安住不動  
若敷牀座 當願眾生 開敷善法 見真實相

正身端坐 當願眾生 坐菩提座 心無所著  
結跏趺坐 當願眾生 善根堅固 得不動地  
修行於定 當願眾生 以定伏心 究竟無餘  
若修於觀 當願眾生 見如實理 永無乖諍  
捨跏趺坐 當願眾生 觀諸行法 悉歸散滅  
下足住時 當願眾生 心得解脫 安住不動  
若舉於足 當願眾生 出生死海 具眾善法  
著下裙時 當願眾生 服諸善根 具足慚愧  
整衣束帶 當願眾生 檢束善根 不令散失

若著上衣 當願眾生 獲勝善根 至法彼岸  
著僧伽黎 當願眾生 入第一位 得不動法  
手執楊枝 當願眾生 皆得妙法 究竟清淨  
嚼楊枝時 當願眾生 其心調淨 噬諸煩惱  
大小便時 當願眾生 棄貪瞋癡 蠲除罪法  
事訖就水 當願眾生 出世法中 速疾而往  
洗滌形穢 當願眾生 清淨調柔 畢竟無垢  
以水盥掌 當願眾生 得清淨手 受持佛法  
以水洗面 當願眾生 得淨法門 永無垢染

手執錫杖 當願眾生 設大施會 示如實道  
執持應器 當願眾生 成就法器 受天人供  
發趾向道 當願眾生 趣佛所行 入無依處  
若在於道 當願眾生 能行佛道 向無餘法  
涉路而去 當願眾生 履淨法界 心無障礙  
見昇高路 當願眾生 永出三界 心無怯弱  
見趣下路 當願眾生 其心謙下 長佛善根  
見斜曲路 當願眾生 捨不正道 永除惡見  
若見直路 當願眾生 其心正直 無諂無誑

見路多塵 當願眾生 遠離塵<sup>ケル</sup>空 獲清淨法  
見路無塵 當願眾生 常行大悲 其心潤澤  
若見險道 當願眾生 住正法界 離諸罪難  
若見眾會 當願眾生 說甚深法 一切和合  
若見大柱 當願眾生 離我諍心 無有忿恨  
若見叢林 當願眾生 諸天及人 所應敬禮  
若見高山 當願眾生 善根超出 無能至頂  
見棘刺樹<sup>ヒト</sup> 當願眾生 疾得翦除<sup>ヒト</sup> 三毒之刺  
見樹葉茂 當願眾生 以定解脫 而為蔭映

若見華開 當願眾生 神通等法 如華開敷  
若見樹華 當願眾生 眾相如華 具三十二  
若見果實 當願眾生 獲最勝法 證菩提道  
若見大河 當願眾生 得預法流 入佛智海  
若見陂澤<sup>クニ</sup> 當願眾生 疾悟諸佛 一味之法  
若見池沼 當願眾生 語業滿足 巧能演說  
若見汲井 當願眾生 具足辯才 演一切法  
若見涌泉 當願眾生 方便增長 善根無盡  
若見橋道 當願眾生 廣度一切 猶如橋梁

若見流水文當願眾生得善意欲洗除惑垢  
見修園圃文當願眾生五欲園中耘除愛草  
見無憂林以當願眾生永離貪愛不生憂怖  
若見園苑以當願眾生勤修諸行趣佛菩提  
見嚴飾人當願眾生三十二相以為嚴好  
見無嚴飾當願眾生捨諸飾好具頭陀行  
見樂著人當願眾生以法自娛歡愛不捨  
見無樂著當願眾生有為事中心無所樂  
見歡樂人當願眾生常得安樂樂供養佛

見苦惱人當願眾生獲根本智滅除眾苦  
見無病人當願眾生入真實慧永無病惱  
見疾病人當願眾生知身空寂離乖諍法  
見端正人當願眾生於佛菩薩常生淨信  
見醜陋人當願眾生於不善事不生樂著  
見報恩人當願眾生於佛菩薩能知恩德  
見背恩人當願眾生於有惡人不加其報  
若見沙門當願眾生調柔寂靜畢竟第一  
見婆羅門當願眾生永持梵行離一切惡



見苦行人 當願眾生 依於苦行 至究竟處  
見操行人 當願眾生 堅持志行 不捨佛道  
見著甲冑出文 當願眾生 常服善鎧巧劣 趣無師法  
見無鎧仗巧劣 當願眾生 永離一切 不善之業  
見論議人 當願眾生 於諸異論 悉能摧伏  
見正命人 當願眾生 得清淨命 不矯威儀  
若見於王 當願眾生 得為法王 恆轉正法  
若見王子 當願眾生 從法化生 而為佛子  
若見長者 當願眾生 善能明斷 不行惡法

若見大臣 當願眾生 恆守正念 習行眾善  
若見城郭 當願眾生 得堅固身 心無所屈  
若見王都 當願眾生 功德共聚 心恆喜樂  
見處林藪合文 當願眾生 應為天人 之所歎仰  
入里乞食 當願眾生 入深法界 心無障礙  
到人門戶 當願眾生 入於一切 佛法之門  
入其家已 當願眾生 得入佛乘 三世平等  
見不捨人 當願眾生 常不捨離 勝功德法  
見能捨人 當願眾生 永得捨離 三惡道苦

若見空鉢 當願眾生 其心清淨 空無煩惱  
若見滿鉢 當願眾生 具足成滿 一切善法  
若得恭敬 當願眾生 恭敬修行 一切佛法  
不得恭敬 當願眾生 不行一切 不善之法  
見慚恥人 當願眾生 具慚恥行 藏護諸根  
見無慚恥 當願眾生 捨離無慚 住大慈道  
若得美食 當願眾生 滿足其願 心無羨欲  
得不美食 當願眾生 莫不獲得 諸三昧味  
得柔輒食ロクマ 當願眾生 大悲所熏 心意柔輒

得麤澀食チクムセ 當願眾生 心無染著 絕世貪愛  
若飯食時 當願眾生 禪悅為食 法喜充滿  
若受味時 當願眾生 得佛上味 甘露滿足  
飯食已訖 當願眾生 所作皆辦 具諸佛法  
若說法時 當願眾生 得無盡辯 廣宣法要  
從舍出時 當願眾生 深入佛智 永出三界  
若入水時 當願眾生 入一切智 知三世等  
洗浴身體 當願眾生 身心無垢 內外光潔  
盛暑炎毒 當願眾生 捨離眾惱 一切皆盡

暑退涼初 當願眾生 證無上法 究竟清涼  
諷誦經時 當願眾生 順佛所說 總持不忘  
若得見佛 當願眾生 得無礙眼 見一切佛  
諦觀佛時 當願眾生 皆如普賢 端正嚴好  
見佛塔時 當願眾生 尊重如塔 受天人供  
敬心觀塔 當願眾生 諸天及人 所共瞻仰  
頂禮於塔 當願眾生 一切天人 無能見頂  
右繞於塔 當願眾生 所行無逆 成一切智  
繞塔三匝 當願眾生 勤求佛道 心無懈怠

讚佛功德 當願眾生 眾德悉具 稱歎無盡  
讚佛相好 當願眾生 成就佛身 證無相法  
若洗足時 當願眾生 具神足力 所行無礙  
以時寢息 當願眾生 身得安隱 心無動亂  
睡眠始寤 當願眾生 一切智覺 周顧十方  
佛子，若諸菩薩如是用心，則獲一切勝妙功  
德；一切世間諸天、魔、梵、沙門、婆羅門、  
乾闥婆、阿修羅等，及以一切聲聞、緣覺，所  
不能動。」

大方廣佛華嚴經淨行品

補闕真言

南無三滿哆。沒馱喃。阿鉢囉帝。喝多折。折捺彌。唵。  
雞彌雞彌。怛塔葛塔喃。末瓦山矻鉢囉帝。烏怛摩怛  
摩。怛塔葛塔喃。末瓦吽發莎訶。三遍

讚

普光明殿。大法弘宣。如來名號廣無邊。四諦義幽  
玄。法炬常然。普獻法王前。下接字母讚

# 大方廣佛華嚴經卷第四十

（編註：此為依中國歷代所傳版本，而非依日本大正藏所編者。）

唐罽賓國三藏般若奉 詔譯

入不思議解脫境界普賢行願品

爾時普賢菩薩摩訶薩，稱歎如來勝功德已，告諸菩薩及善財言：「善男子，如來功德，假使十方一切諸佛，經不可說不可說佛剎極微塵數劫，相續演說，不可窮盡。若欲成就此功德門，應修十種廣大行願。何等為十？一者禮敬諸佛，二者稱讚如來，三者廣修供養，四者懺

悔業障，五者隨喜功德，六者請轉法輪，七者請佛住世，八者常隨佛學，九者恆順眾生，十者普皆迴向。」

善財白言：「大聖，云何禮敬乃至迴向？」普賢菩薩告善財言：「善男子，言禮敬諸佛者，所有盡法界、虛空界，十方三世一切佛刹，極微塵數諸佛世尊，我以普賢行願力故，深信解，如對目前，悉以清淨身語意業，常修禮敬；一一佛所，皆現不可說不可說佛刹極微

塵數身，一一身徧禮不可說不可說佛刹極微塵數佛。虛空界盡，我禮乃盡；以虛空界不可盡故，我此禮敬無有窮盡。如是乃至眾生界盡、眾生業盡、眾生煩惱盡，我禮乃盡；而眾生界乃至煩惱無有盡故，我此禮敬無有窮盡，念念相續無有間斷，身語意業無有疲厭。

復次善男子，言稱讚如來者，所有盡法界、虛空界，十方三世一切刹土，所有極微一一塵中，皆有一切世間極微塵數佛，一一佛所，皆

有菩薩海會圍繞，我當悉以甚深勝解，現前知見。各以出過辯才天女微妙舌根，一一舌根，出無盡音聲海，一一音聲，出一切言詞海，稱揚讚歎一切如來諸功德海，窮未來際，相續不斷；盡於法界，無不周徧。如是虛空界盡、眾生界盡、眾生業盡、眾生煩惱盡，我讚乃盡；而虛空界乃至煩惱無有盡故，我此讚歎無有窮盡；念念相續無有間斷，身語意業無有疲厭。復次，善男子，言廣修供養者，所有盡法界、

虛空界，十方三世一切佛刹，極微塵中，一一各有一切世界極微塵數佛，一一佛所，種種菩薩海會圍繞，我以普賢行願力故，起深信解，現前知見，悉以上妙諸供養具，而為供養——所謂華雲、鬘雲、天音樂雲、天傘蓋雲、天衣服雲、天種種香、塗香、燒香、末香，如是等雲，一一量如須彌山王。燃種種燈：酥燈、油燈、諸香油燈，一一燈炷如須彌山，一一燈油如大海水——以如是等諸供養具，常為供養。

善男子，諸供養中，法供養最——所謂如說修行供養、利益眾生供養、攝受眾生供養、代眾生苦供養、勤修善根供養、不捨菩薩業供養、不離菩提心供養。善男子，如前供養無量功德，比法供養一念功德，百分不及一，千分不及一，百千俱胝那由他分、迦羅分、算分、數分、喻分、優波尼沙陀分，亦不及一。何以故？以諸如來尊重法故，以如說行出生諸佛故。若諸菩薩，行法供養，則得成就供養如

來；如是修行，是真供養故。此廣大最勝供養，虛空界盡、眾生界盡、眾生業盡、眾生煩惱盡，我供乃盡；而虛空界乃至煩惱不可盡故，我此供養亦無有盡；念念相續無有間斷，身語意業無有疲厭。

復次，善男子，言懺除業障者，菩薩自念：我於過去無始劫中，由貪瞋癡，發身口意，作諸惡業無量無邊。若此惡業有體相者，盡虛空界不能容受。我今悉以清淨三業，徧於法界極微



塵刹，一切諸佛菩薩眾前，誠心懺悔，後不復造；恆住淨戒一切功德。如是虛空界盡、眾生界盡、眾生業盡、眾生煩惱盡，我懺乃盡；而虛空界，乃至眾生煩惱，不可盡故，我此懺悔無有窮盡；念念相續無有間斷，身語意業無有疲厭。

復次，善男子，言隨喜功德者，所有盡法界、虛空界，十方三世一切佛刹，極微塵數諸佛如來，從初發心，為一切智，勤修福聚，不惜身

命，經不可說不可說佛刹極微塵數劫，一一劫中，捨不可說不可說佛刹極微塵數頭目手足；如是一切難行苦行，圓滿種種波羅蜜門，證入種種菩薩智地，成就諸佛無上菩提，及般涅槃、分布舍利，所有善根，我皆隨喜。及彼十方一切世界，六趣四生一切種類，所有功德，乃至一塵，我皆隨喜。十方三世一切聲聞及辟支佛，有學無學，所有功德，我皆隨喜。一切菩薩所修無量難行苦行，志求無上正等菩提，

廣大功德，我皆隨喜。如是虛空界盡、眾生界盡、眾生業盡、眾生煩惱盡，我此隨喜無有窮盡；念念相續無有間斷，身語意業無有疲厭。復次，善男子，言請轉法輪者，所有盡法界、虛空界，十方三世一切佛刹極微塵中，一一各有不可說不可說佛刹極微塵數廣大佛刹，一一刹中，念念有不可說不可說佛刹極微塵數一切諸佛，成等正覺，一切菩薩海會圍繞；而我悉以身口意業，種種方便，殷勤勸請轉妙法輪。

如是虛空界盡、眾生界盡、眾生業盡、眾生煩惱盡，我常勸請一切諸佛轉正法輪，無有窮盡；念念相續無有間斷，身語意業無有疲厭。復次，善男子，言請佛住世者，所有盡法界、虛空界，十方三世一切佛刹極微塵數諸佛如來，將欲示現般涅槃者，及諸菩薩、聲聞緣覺，有學無學，乃至一切諸善知識，我悉勸請莫入涅槃，經於一切佛刹極微塵數劫，為欲利樂一切眾生。如是虛空界盡、眾生界盡、眾生

業盡、眾生煩惱盡，我此勸請無有窮盡，念念相續無有間斷，身語意業無有疲厭。

復次，善男子，言常隨佛學者，如此娑婆世界毗盧遮那如來，從初發心，精進不退，以不可說不可說身命而為布施；剝皮為紙、析骨為筆、刺血為墨，書寫經典，積如須彌；為重法故，不惜身命，何況王位、城邑聚落、宮殿園林、一切所有；及餘種種難行苦行，乃至樹下成大菩提，示種種神通、起種種變化、現

種種佛身、處種種眾會——或處一切諸大菩薩眾會道場，或處聲聞及辟支佛眾會道場，或處轉輪聖王、小王眷屬眾會道場，或處剎利及婆羅門長者居士眾會道場，乃至或處天龍八部人非人等眾會道場——處於如是種種眾會，以圓滿音，如大雷震，隨其樂欲，成熟眾生，乃至示現入於涅槃，如是一切我皆隨學。如今世尊毗盧遮那，如是盡法界、虛空界，十方三世一切佛剎所有塵中一切如來，皆亦如是，於念念

中，我皆隨學。如是虛空界盡、眾生界盡、眾生業盡、眾生煩惱盡，我此隨學無有窮盡；念相續無有間斷，身語意業無有疲厭。

復次，善男子，言恆順眾生者，謂盡法界、虛空界，十方剎海所有眾生，種種差別——所謂卵生、胎生、濕生、化生；或有依於地水火風而生住者，或有依空及諸卉木而生住者，種種生類、種種色身、種種形狀、種種相貌、種種壽量、種種族類、種種名號、種種心性、種種

知見、種種欲樂、種種意行、種種威儀、種種衣服、種種飲食，處於種種村營聚落、城邑宮殿，乃至一切天龍八部、人非人等；無足二足、四足多足；有色無色、有想無想、非有想非無想——如是等類，我皆於彼隨順而轉，種種承事、種種供養，如敬父母、如奉師長及阿羅漢，乃至如來，等無有異。於諸病苦，為作良醫；於失道者，示其正路；於闇夜中，為作光明；於貧窮者，令得伏藏。菩薩如是

平等饒益一切眾生。何以故？菩薩若能隨順眾生，則為隨順供養諸佛。若於眾生尊重承事，則為尊重承事如來。若令眾生生歡喜者，則令一切如來歡喜。何以故？諸佛如來以大悲心而為體故：因於眾生，而起大悲；因於大悲，生菩提心；因菩提心，成等正覺。譬如曠野沙磧之中，有大樹王，若根得水，枝葉華果悉皆繁茂。生死曠野、菩提樹王，亦復如是：一切眾生而為樹根，諸佛菩薩而為華果，以大悲水饒

益眾生，則能成就諸佛菩薩智慧華果。何以故？若諸菩薩以大悲水饒益眾生，則能成就阿耨多羅三藐三菩提故。是故菩提屬於眾生，若無眾生，一切菩薩終不能成無上正覺。善男子，汝於此義，應如是解。以於眾生心平等故，則能成就圓滿大悲；以大悲心隨眾生故，則能成就供養如來。菩薩如是隨順眾生，虛空界盡、眾生界盡、眾生業盡、眾生煩惱盡，我此隨順無有窮盡；念念相續無有間斷，身語意

業無有疲厭。

復次，善男子，言普皆迴向者，從初禮拜乃至隨順，所有功德，皆悉迴向盡法界、虛空界一切眾生——願令眾生常得安樂，無諸病苦；欲行惡法，皆悉不成，所修善業，皆速成就；關閉一切諸惡趣門，開示人天涅槃正路。若諸眾生，因其積集諸惡業故，所感一切極重苦果，我皆代受，令彼眾生悉得解脫，究竟成就無上菩提——菩薩如是所修迴向，虛空界盡、眾生

界盡、眾生業盡、眾生煩惱盡，我此迴向無有窮盡；念念相續無有間斷，身語意業無有疲厭。

善男子，是為菩薩摩訶薩十種大願，具足圓滿。若諸菩薩，於此大願隨順趣入，則能成熟一切眾生，則能隨順阿耨多羅三藐三菩提，則能成滿普賢菩薩諸行願海。是故善男子，汝於此義，應如是知。若有善男子善女人，以滿十方無量無邊不可說不可說佛剎，極微塵數一切

世界上妙七寶，及諸人天最勝安樂，布施爾所一切世界所有眾生，供養爾所一切世界諸佛菩薩，經爾所佛剎極微塵數劫，相續不斷，所得功德；若復有人，聞此願王，一經於耳，所有功德，比前功德，百分不及一，千分不及一，乃至優波尼沙陀分，亦不及一。或復有人，以深信心，於此大願，受持讀誦，乃至書寫一四句偈，速能除滅五無間業；所有世間身心等病、種種苦惱，乃至佛剎極微塵數一切惡業，

皆得消除。一切魔軍、夜叉羅刹，若鳩槃荼、若毗舍闍、若部多等，飲血噉肉諸惡鬼神，皆悉遠離，或時發心親近守護。是故若人誦此願者，行於世間無有障礙。如空中月出於雲翳，諸佛菩薩之所稱讚，一切人天皆應禮敬，一切眾生悉應供養。此善男子，善得人身，圓滿普賢所有功德，不久當如普賢菩薩，速得成就微妙色身，具三十二大丈夫相。若生人天，所在之處常居勝族，悉能破壞一切惡趣，悉能遠離

一切惡友，悉能制伏一切外道，悉能解脫一切煩惱，如師子王，摧伏羣獸，堪受一切眾生供養。又復是人臨命終時，最後剎那，一切諸根悉皆散壞，一切親屬悉皆捨離，一切威勢悉皆退失，輔相大臣、宮城內外、象馬車乘、珍寶伏藏，如是一切無復相隨，唯此願王不相捨離，於一切時引導其前，一剎那中，即得往生極樂世界，到已即見阿彌陀佛、文殊師利菩薩、普賢菩薩、觀自在菩薩、彌勒菩薩等。此

諸菩薩，色相端嚴，功德具足，所共圍繞。其人自見生蓮華中，蒙佛授記。得授記已，經於無數百千萬億那由他劫，普於十方不可說不可說世界，以智慧力，隨眾生心而為利益，不久當坐菩提道場，降伏魔軍，成等正覺，轉妙法輪；能令佛剎極微塵數世界眾生，發菩提心，隨其根性，教化成熟；乃至盡於未來劫海，廣能利益一切眾生。善男子，彼諸眾生，若聞若信此大願王，受持讀誦，廣為人說，所有功



德，除佛世尊，餘無知者。是故汝等聞此願王，莫生疑念，應當諦受；受已能讀，讀已能誦，誦已能持，乃至書寫，廣為人說。是諸人等，於一念中，所有行願，皆得成就；所獲福聚，無量無邊；能於煩惱大苦海中，拔濟眾生，令其出離，皆得往生阿彌陀佛極樂世界。」

爾時普賢菩薩摩訶薩，欲重宣此義，普觀十方，而說偈言：

所有十方世界中 三世一切人師子  
我以清淨身語意 一切徧禮盡無餘  
普賢行願威神力 普現一切如來前  
一身復現剎塵身 一一徧禮剎塵佛  
於一塵中塵數佛 各處菩薩眾會中  
無盡法界塵亦然 深信諸佛皆充滿  
各以一切音聲海 普出無盡妙言辭  
盡於未來一切劫 讚佛甚深功德海  
以諸最勝妙華鬘 伎樂塗香及傘蓋

如是最勝莊嚴具 我以供養諸如來  
最勝衣服最勝香 末香燒香與燈燭  
一一皆如妙高聚 我悉供養諸如來  
我以廣大勝解心 深信一切三世佛  
悉以普賢行願力 普徧供養諸如來  
我昔所造諸惡業 皆由無始貪瞋癡  
從身語意之所生 一切我今皆懺悔  
十方一切諸眾生 二乘有學及無學  
一切如來與菩薩 所有功德皆隨喜

十方所有世間燈 最初成就菩提者  
我今一切皆勸請 轉於無上妙法輪  
諸佛若欲示涅槃 我悉至誠而勸請  
唯願久住剎塵劫 利樂一切諸眾生  
所有禮讚供養福 請佛住世轉法輪  
隨喜懺悔諸善根 迴向眾生及佛道  
我隨一切如來學 修習普賢圓滿行  
供養過去諸如來 及與現在十方佛  
未來一切天人師 一切意樂皆圓滿

我願普隨三世學 速得成就大菩提  
所有十方一切剎 廣大清淨妙莊嚴  
眾會圍繞諸如來 悉在菩提樹王下  
十方所有諸眾生 願離憂患常安樂  
獲得甚深正法利 滅除煩惱盡無餘  
我為菩提修行時 一切趣中成宿命  
常得出家修淨戒 無垢無破無穿漏  
天龍夜叉鳩槃荼 乃至人與非人等  
所有一切眾生語 悉以諸音而說法

勤修清淨波羅蜜 恆不忘失菩提心  
滅除障垢無有餘 一切妙行皆成就  
於諸惑業及魔境 世間道中得解脫  
猶如蓮華不著水 亦如日月不住空  
悉除一切惡道苦 等與一切羣生樂  
如是經於剎塵劫 十方利益恆無盡  
我常隨順諸眾生 盡於未來一切劫  
恆修普賢廣大行 圓滿無上大菩提  
所有與我同行者 於一切處同集會

身口意業皆同等 一切行願同修學  
所有益我善知識 為我顯示普賢行  
常願與我同集會 於我常生歡喜心  
願常面見諸如來 及諸佛子眾圍繞  
於彼皆興廣大供 盡未來劫無疲厭  
願持諸佛微妙法 光顯一切菩提行  
究竟清淨普賢道 盡未來劫常修習  
我於一切諸有中 所修福智恆無盡  
定慧方便及解脫 獲諸無盡功德藏

一塵中有塵數刹 一一刹有難思佛  
一一佛處眾會中 我見恆演菩提行  
普盡十方諸刹海 一一毛端三世海  
佛海及與國土海 我徧修行經劫海  
一切如來語清淨 一言具眾音聲海  
隨諸眾生意樂音 一一流佛辯才海  
三世一切諸如來 於彼無盡語言海  
恆轉理趣妙法輪 我深智力普能入  
我能深入於未來 盡一切劫為一念

三世所有一切劫 為一念際我皆入  
我於一念見三世 所有一切人師子  
亦常入佛境界中 如幻解脫及威力  
於一毛端極微中 出現三世莊嚴刹  
十方塵刹諸毛端 我皆深入而嚴淨  
所有未來照世燈 成道轉法悟羣有  
究竟佛事示涅槃 我皆往詣而親近  
速疾周徧神通力 普門徧入大乘力  
智行普修功德力 威神普覆大慈力

徧淨莊嚴勝福力 無著無依智慧力  
定慧方便諸威力 普能積集菩提力  
清淨一切善業力 摧滅一切煩惱力  
降伏一切諸魔力 圓滿普賢諸行力  
普能嚴淨諸刹海 解脫一切眾生海  
善能分別諸法海 能甚深入智慧海  
普能清淨諸行海 圓滿一切諸願海  
親近供養諸佛海 修行無倦經劫海  
三世一切諸如來 最勝菩提諸行願

我皆供養圓滿修 以普賢行悟菩提  
一切如來有長子 彼名號曰普賢尊  
我今迴向諸善根 願諸智行悉同彼  
願身口意恆清淨 諸行剎土亦復然  
如是智慧號普賢 願我與彼皆同等  
我為徧淨普賢行 文殊師利諸大願  
滿彼事業盡無餘 未來際劫恆無倦  
我所修行無有量 獲得無量諸功德  
安住無量諸行中 了達一切神通力

文殊師利勇猛智 普賢慧行亦復然  
我今迴向諸善根 隨彼一切常修學  
三世諸佛所稱歎 如是最勝諸大願  
我今迴向諸善根 為得普賢殊勝行  
願我臨欲命終時 盡除一切諸障礙  
面見彼佛阿彌陀 即得往生安樂剎  
我既往生彼國已 現前成就此大願  
一切圓滿盡無餘 利樂一切眾生界  
彼佛眾會咸清淨 我時於勝蓮華生

親覩如來無量光 現前授我菩提記  
蒙彼如來授記已 化身無數百俱胝  
智力廣大徧十方 普利一切眾生界  
乃至虛空世界盡 眾生及業煩惱盡  
如是一切無盡時 我願究竟恆無盡  
十方所有無邊刹 莊嚴眾寶供如來  
最勝安樂施天人 經一切刹微塵劫  
若人於此勝願王 一經於耳能生信  
求勝菩提心渴仰 獲勝功德過於彼

即常遠離惡知識 永離一切諸惡道  
速見如來無量光 具此普賢最勝願  
此人善得勝壽命 此人善來人中生  
此人不久當成就 如彼普賢菩薩行  
往昔由無智慧力 所造極惡五無間  
誦此普賢大願王 一念速疾皆消滅  
族姓種類及容色 相好智慧咸圓滿  
諸魔外道不能摧 堪為三界所應供  
速詣菩提大樹王 坐已降伏諸魔眾

成等正覺轉法輪 普利一切諸含識  
若人於此普賢願 讀誦受持及演說  
果報唯佛能證知 決定獲勝菩提道  
若人誦此普賢願 我說少分之善根  
一念一切悉皆圓 成就眾生清淨願  
我此普賢殊勝行 無邊勝福皆迴向  
普願沈溺諸眾生 速往無量光佛刹  
爾時普賢菩薩摩訶薩，於如來前，說此普賢廣大願王清淨偈已，善財童子踊躍無量，一切菩薩皆大歡喜。如來讚言：「善哉！善哉！」

爾時世尊與諸聖者菩薩摩訶薩，演說如是不可思議解脫境界勝法門時，文殊師利菩薩而為上首諸大菩薩，及所成熟六千比丘；彌勒菩薩而為上首，賢劫一切諸大菩薩；無垢普賢菩薩而為上首，一生補處住灌頂位諸大菩薩，及餘十方種種世界普來集會，一切剎海極微塵數諸菩薩摩訶薩眾；大智舍利弗、摩訶目犍連等而為上首諸大聲聞；并諸人天一切世主，天龍、夜



叉、乾闥婆、阿修羅、迦樓羅、緊那羅、摩睺羅伽、人非人等一切大眾，聞佛所說，皆大歡喜，信受奉行。

大方廣佛華嚴經入不思議解脫境界普賢行願品

補闕真言

南無三滿哆。沒馱喃。阿鉢囉帝。喝多折。折捺彌。唵。  
雞彌雞彌。怛塔葛塔喃。末瓦山矽鉢囉帝。烏怛摩怛  
摩。怛塔葛塔喃。末瓦吽發莎訶。

三遍

讚

重重願海。莫可言宣。眾生無盡願無邊。化生七寶蓮。  
記授金仙。萬德一時圓。

下接字母讚

香讚

戒○定○真○香○ 焚○起○衝○天○上○ 弟○子○虔○誠○  
 熱○在○金○爐○放○ 頃○刻○紛○紜○ 即○徧○滿○  
 十○方○ 昔○日○耶○ 輸○ 免○難○消○災○ 障○ 南○無○香○  
 雲○蓋○ 菩○薩○ 摩○訶○ 薩○ 南○無○香○雲○蓋○ 菩○  
 薩○ 摩○訶○ 薩○ 南○無○香○雲○蓋○ 菩○  
 薩○ 摩○訶○ 薩○

華嚴普賢行願懺儀

晉水高麗國師 敕賜崇教大師 淨源 編集  
 傳華嚴大教善聰道亨治定 高麗國師僧統義天詳定

南無大行普賢願王菩薩 三稱

一切恭敬

- 一心敬禮 華藏世界 帝網剎中 徧法界常住佛 一拜
- 一心敬禮 華藏世界 帝網剎中 徧法界常住法 一拜
- 一心敬禮 華藏世界 帝網剎中 徧法界常住僧 一拜

禮已應當香花供養。首者唱云：

(維那)  
(大眾)

(維那)

是諸眾等 各各胡跪 嚴持香花 如法供養 盡蓮  
華藏世界海 帝網剎中 圓融無礙三寶

眾齊擎花，應起觀行想念云：

諸佛淨法身 功德無有量  
不住亦不壞 湛然而常安  
我所執香花 皆從草木生  
奉獻於諸佛 持此想供養  
發身諸毛孔 令一一毛孔  
出無數香花 願供一切佛

(大眾)

化成香花雲 諸佛既受之  
於十方世界 施為作佛事  
普薰諸眾生 皆發菩提心 一念成佛道

想已散花唱云：

願此香花雲 徧滿蓮花藏世界海 帝網剎土中  
以普賢願力故 悉成法供養 盡虛空 徧法界 十  
方三世 一切佛剎 極微塵中 微塵數佛 一一佛  
所難思海會 悉有上妙 重重香雲花雲 香油香  
燈 廣大供養 常作佛事

前香花偈辭一十九句，是觀佛三昧海經長行。今但撮略大旨為偈，欲使行人熟念，仰想無遺耳。若一人自修，除去「是諸眾等各各胡跪」八字，應云「弟子某甲虔敬胡跪」。然道場中，當獻草木鮮花。今行人修懺，多獻繒綵諸花，或通草等花，蓋值霜雪時耳。餘時依經採種種鮮花，奉獻三寶。供已，首者唱云：

供養已 一切恭敬 起禮一拜

### 讚歎

既供養已，即應正身威儀，一心佇立對三聖前，說偈讚云：

毘盧遮那佛 願力周法界  
一切國土中 恆轉無上輪

（維那）

（維那）

（大眾）

普賢身相如虛空 依真而住非國土  
隨諸眾生心所欲 示現普身等一切  
剎塵心念可數知 大海中水可飲盡  
虛空可量風可繫 無能盡說佛功德

讚已，道場首日，當述修懺之意，任自智力所陳。披陳訖，依卷後讚願文，首者白云：以此讚歎三寶修行華嚴懺法，所生功德云云。

### 作禮

（東西兩單輪唱）

既讚歎竟，應當一心憶念諸佛真身，應物現形，如對目前，受我禮拜。又復應知身心空寂，無有體相，隨緣影現，一一佛前，悉有此身頭面敬

禮。若諸佛菩薩，各致一禮。惟至大方廣佛華嚴經、末後懺主菩賢菩薩，各須三禮。此之人法，是道場主故。唱云：

一心敬禮 十身初滿 正覺始成 不離閻浮而昇天  
上徧周法界 無盡身雲 大毘盧遮那佛 一拜

須五體投地，精誠致禮，想云：「能禮所禮性空寂，感應道交難思議，我此道場如帝珠，毘盧遮那影現中，我身影現毘盧前，頭面接足歸命禮。」至禮舍那，即云「盧舍那佛影現中」。下佛菩薩，隨位改之。

一心敬禮 色究竟天上 大寶蓮華中 圓滿報身盧  
舍那佛 一拜

一心敬禮 不動寂場 遊化鹿苑 十方分身 釋迦文

佛 一拜

一心敬禮 炳然應現 極樂世界 普收圓因 華中授  
記阿彌陀佛 一拜

一心敬禮 華嚴經中 十方雲集 發辭讚定 普現其  
前 往古劫海 剎塵數佛 一拜

一心敬禮 華藏世界 帝網剎中 微塵諸佛 一拜  
一心敬禮 汪洋冲融 廣大悉備 根本法輪 大方廣

佛華嚴經 大不思議圓融法寶 三拜

想云：「真空法性如虛空，常住法寶難思議，我身影現法寶前，一心如

法皈命禮。「次位偈同。」

一心敬禮 釋迦所說 眷屬經等 十方佛刹 微塵數

經 一切法門 修多羅藏 一拜

一心敬禮 菩提道場 佛果會主 入毘盧遮那藏身

三昧說 如來依正果法 華嚴上首 普賢菩薩 同

時雲集 徧周法界 諸大菩薩摩訶薩 一拜

一心敬禮 普光明殿 十信會主 十首菩薩 說十信

法 華嚴上首 文殊師利菩薩 同時雲集 徧周法

界 諸大菩薩摩訶薩 一拜

此會文殊不入三昧，謂信未入位故。

一心敬禮 忉利天宮 十住會主 入菩薩無量方便

三昧說 十住法 法慧菩薩 同時雲集 徧周法界

諸大菩薩摩訶薩 一拜

一心敬禮 夜摩天宮 十行會主 入菩薩善思惟三

昧說 十行法 功德林菩薩 同時雲集 徧周法界

諸大菩薩摩訶薩 一拜

一心敬禮 兜率天宮 十迴向會主 入菩薩智光三

昧說 十迴向法 金剛幢菩薩 同時雲集 徧周法

界諸大菩薩摩訶薩 一拜

一心敬禮 他化自在天宮 十地會主 入菩薩大智  
慧光明三昧 說十地法 金剛藏菩薩 同時雲集  
徧周法界 諸大菩薩摩訶薩 一拜

一心敬禮 重會普光明殿 如來為等妙覺位會主  
入剎那際三昧 說僧祇隨好法 普賢等一切菩  
薩說等妙覺法 同時雲集 徧周法界 諸大菩薩  
摩訶薩 一拜

一心敬禮 三會普光明殿 頓彰大行會主 入佛華

嚴三昧 說二千行法 普賢菩薩 同時雲集 徧周  
法界 諸大菩薩摩訶薩 一拜

一心敬禮 逝多林園 如來為果法界會主 入師子  
頻申三昧 說果法界 眾海頓證 普賢菩薩等  
五百菩薩 同時雲集 徧周法界 諸大菩薩摩訶  
薩 一拜

一心敬禮 備彰信位 玄妙該收 賢首菩薩摩訶薩  
一拜

一心敬禮 請演十地 一乘六相 解脫月菩薩摩訶

薩 一拜

一心敬禮 啟明十定 等覺因緣 普眼菩薩摩訶薩  
一拜

一心敬禮 發揮深微 難思數法 心王菩薩摩訶薩  
一拜

一心敬禮 顯示佛果 不思議法 青蓮華藏菩薩摩  
訶薩 一拜

一心敬禮 親受宣示 三重頓圓 寶手菩薩摩訶薩  
一拜

一心敬禮 諮詢出現 妙覺果滿 如來性起 妙德菩  
薩摩訶薩 一拜

一心敬禮 雲興百問 頓發圓融 普慧菩薩摩訶薩  
一拜

一心敬禮 華嚴經中 七處九會 互彰主伴 圓明妙  
智 諸佛祖師 文殊師利菩薩摩訶薩 一拜

一心敬禮 華嚴經中 善財所參 百城善友 不思議  
化 遊戲神通 五十五員 諸善知識 微塵數菩薩  
摩訶薩 一拜



一心敬禮 圓通無礙 周徧十方 居補陀山 大悲普  
濟 觀自在菩薩摩訶薩 一拜

一心敬禮 安住毘盧莊嚴樓閣 補處慈尊 彌勒菩  
薩摩訶薩 一拜

一心敬禮 華嚴會上 發菩提心 南求諸友 一生成  
辦 無上圓機 善財菩薩摩訶薩 一拜

一心敬禮 菩提樹內 師子座中 眉間出現 佛剎塵  
數 華嚴海會 華藏界中 重重重重 無盡無盡  
十方三世 一切菩薩摩訶薩 一拜

一心敬禮 逝多林園 末會之中 舍利弗等五百聲  
聞 六千比丘 十方佛剎 一切聲聞緣覺賢聖僧  
一拜

一心奉為 華嚴經中 執金剛神 身眾神 足行神  
道場神 主城主地 主山主林 主藥主稼 主河主  
海 主水主火 主風主空 主方主夜 主晝等神  
天龍八部 釋梵天王 無量諸天 及日月天子 一  
切聖眾 敬禮常住三寶 一拜

禮偈同前，但改云「常住三寶影現中」。

一心敬禮 華嚴懺主 修大願王 徧收玄妙 普賢  
菩薩摩訶薩 三拜

三禮末句改云「為求滅障接足禮」，此是懺悔主故。

### 懺悔 (長跪)

既禮佛竟，應端肅一心，正身威儀，虔敬胡跪，燒諸名香，存想普賢菩薩，無量莊嚴，眷屬圍繞，為懺悔主，如對目前，發露無量劫來所造一切惡業，斷相續心，更不復造。而以正慧，觀罪性空，不在內外。敬發大菩提心，摧滅恆沙煩惱。應想念云：

我與眾生 無始所作 一切罪障  
惟願三寶 哀憫拔濟 頓祛く愚業

翻作淨因 身心齊空 罪福無主  
了見真性 等佛法身 三業罪愆  
成三解脫 六根重障 翻作六通

念已，唱云：

普為四恩三有 及法界眾生 悉願斷除諸障 歸命  
懺悔

唱已起禮一拜。復胡跪，當運逆順十心，想念清涼偈云：

自從無始起無明 亦值惡友增我情  
無隨喜心善永滅 縱身語意惡漸生

心心徧布觸處染 念念相續日夜營  
 不欲人知藏過失 不畏惡道任縱橫  
 無慙ㄉㄨㄣˊ無愧魔羅網 撥因撥果闡提坑  
 如是順流背本已 生死苦海浩然盈  
 幸聞如來長子教 今欲逆流捨貧里  
 正信因果破闡提 慙ㄉㄨㄣˊ愧人天破無恥  
 恐怖惡道破不畏 發露罪業破覆毗  
 斷相續心破常念 發菩提心破徧起  
 修功補過破縱恣 守護正法破無喜

(徧起：徧計、依他起)

念十方佛破惡友 觀罪性空破結使

上之六偈，初三至「苦海浩然」，是順生死十心，以為所治。後三至「觀罪性空」，是逆生死十心，從後翻破。有事有理，應細思之，熟誦想念。想已，唱云：

至心懺悔 弟子眾等 歸命十方 無盡三寶  
 願起哀憐 為作明證 我與法界 一切眾生  
 自從過去 無始劫中 由貪瞋癡 發身口意  
 眼根著色 迷本淨心 不覩ㄉㄨㄣˊ如來 法身周徧  
 耳貪聲境 障自性空 不聞如來 圓音說法  
 鼻貪香氣 結使是生 功德妙香 不能ㄉㄨㄣˊ嗅覺

舌貪眾味 食噉眾生 妄語綺言 兩舌惡口  
毀謗三寶 陵辱二親 豈餐如來 甚深法味  
身根著觸 耽染無窮 晝夜荒迷 不知止足  
徧造諸惡 行殺盜姪 諸佛慈光 不能照燭  
意根著法 觸境攀緣 念念常生 貪瞋邪見  
一切諸惡 從意根生 寧知如來 甚深法界  
六根三業 備造諸非 乃至重輕 一切罪障  
無量無邊 若此惡業 有體相者 盡虛空界  
不能容受 我等自惟微善 報在人倫 幸遇

如來大華嚴經 圓滿因輪

依此法門 修懺悔法 我今悉以 清淨三業  
徧於法界 極微塵刹 一切諸佛 菩薩眾前  
誠心懺悔 後不復造 恆住淨戒 一切功德  
惟願

本尊毘盧遮那如來 行願懺主普賢菩薩  
文殊師利菩薩 華嚴海會無盡三寶

哀憫護念 慧日垂光 銷我身心 業惑霜露  
慈風普振 摧重障山 法水長流 洗我心垢

翻三毒心 成三秘藏 普與眾生 咸登真界  
 同彼善財 一生身中 成就普賢 十大願王  
 禮敬諸佛 稱讚如來 廣修供養 懺悔業障  
 隨喜功德 請轉法輪 請佛住世 常隨佛學  
 恆順眾生 普皆迴向 虛空法界 無盡眾生  
 願令眾生 常得安樂 無諸病苦 欲行惡法  
 皆悉不成 所修善業 皆速成就 關閉一切  
 諸惡趣門 開示人天 涅槃文巧正路 若諸眾生  
 因其積集 諸惡業故 所感一切 極重苦果

(維那)

(大眾)

我皆代受 令彼眾生 悉得解脫 究竟成就  
 無上菩提 能於煩惱 大苦海中 拔濟眾生  
 令其出離 皆得往生  
 阿彌陀佛 極樂世界  
一拜，起立唱云：

懺悔發願已 歸命禮

毘盧遮那佛 普賢菩薩 及一切三寶 一拜

旋繞

夫旋繞者，戀慕三寶微妙功德也。如是三匝或七匝。欲旋繞時，先須正立，想此道場如法界，十方三寶，罍塞虛空，以次迴身旋繞法座。十方三

寶心性寂滅，影現十方，心想如夢，梵聲如響，勿令散亂。一心唱云：

南無十方佛

南無十方法

南無十方僧

南無常寂光土 毘盧遮那佛

南無千華臺上 盧舍那佛

南無娑婆世界 釋迦文佛

南無極樂世界 阿彌陀佛

南無華藏世界 微塵諸佛

南無一乘圓教 大方廣佛華嚴經

南無華嚴懺主 普賢菩薩

南無華嚴上首 文殊師利菩薩

南無大慈大悲 觀世音菩薩

南無當來補處 彌勒菩薩

南無華嚴海會 諸大菩薩

南無諸善知識 恆沙菩薩

南無一生圓滿 善財菩薩

南無華藏世界 帝網剎中 一切菩薩摩訶薩

或三稱，或七稱。旋繞已，還至像前，三自皈唱云：

自歸於佛 當願眾生 紹隆佛種 發無上意 一拜

自歸於法 當願眾生 深入經藏 智慧如海 一拜

自歸於僧 當願眾生 統理大眾 一切無礙 一拜

收具，起問訊云：

### 和南聖眾

維那擊引磬，復稱：

南無大行普賢王菩薩 三稱

繞壇而出，仍入觀堂，分班問訊，歸位坐禪。

### 華嚴普賢行願懺儀 終

#### 回向

禮懺功德殊勝行 無邊勝福皆迴向

普願沉溺諸有情 速往無量光佛刹

十方三世一切佛 一切菩薩摩訶薩

摩訶般若波羅蜜

前稱讚已，當述建懺之意，任自智力所陳。披陳訖，依下之讚願文，首者白云：以此讚歎三寶、修行華嚴懺法，所生功德云云。

### 祝讚願文

首日請佛時，首句改云  
「以此奉請三寶」

以此讚歎三寶、修行華嚴懺法，所生功德，總用莊嚴法界刹海眾生。當願天仙不墜，悟著樂而非非常；國主清寧，識真乘而是聖；羣僚常居祿位，皆祈圓頓法門；人民永保安康，咸修覺照之道；師僧父母，福慧汪洋；信施檀那，萬行圓滿；三途俱時離苦，八難當日超淪；鑊湯

變為清涼池，鐵牀化作蓮華座，息悲痛之響，同念佛之音；人人有返本之心，各各習還源之照；常發「今願」、「當願」，俱不退心；智行圓成，同證遮那境界，俱為三聖因緣。

每月初時白一  
遍，餘時不必

行者於禮懺旋繞稱佛名號畢，若有餘力，復當跪誦如來隨好光明功德品，或誦賢首品之二上半卷，至速成無上功德幢止。今節出此二品，以便精修行者諷誦。如禮法華懺，誦安樂行品；禮楞嚴懺，誦觀音圓通法門等。願諸賢達，勤而行之，普利一切，報佛恩德。



附錄一：華嚴賢首宗法脈傳承世系表（高原法系）

華嚴初祖	帝心杜順和尚	第十世	道鳴妙觀
華嚴二祖	雲華智儼和尚	第十一世	玉峰師會
華嚴三祖	賢首法藏大師（諡號國一）	第十二世	性空悟心
賢首宗第一世		第十三世	竹坡普悟
華嚴四祖	清涼澄觀大師	第十四世	方山元介
賢首宗第二世		第十五世	珍林慧瓊
華嚴五祖	圭峰宗密大師	第十六世	南山真萃
賢首宗第三世		第十七世	獨芳蘭公
賢首宗第四世	妙圓傳奧	第十八世	德巖淨行
第五世	開明普朗	第十九世	能仁一清
第六世	圓顯法現	第二十世	玉峰永琮
第七世	長水子璿	第二十一世	石庵德珽
第八世	晉水淨源	第二十二世	南中定興
第九世	神鑒希冲		

第二十三世	虎丘清公	第四十世	思元慧三
第二十四世	汾陽清遠	第四十一世	敬緣欽因
第二十五世	高原明昱（自此兼慈恩宗法系）	第四十二世	信照成觀
第二十六世	御生明善		
第二十七世	樂修慧善		
第二十八世	心珠海貴		
	半字大義		
第二十九世	若水超善		
	廣修通元		
第三十世	懷一慶餘		
第三十一世	復初		
第三十七世	達遠		
第三十八世	悟玢寶山		
第三十九世	靈巖鷲峯		



## 附錄二：紀念法照



慧三老和尚法相



欽因長老德相



欽因長老與成觀法師(右)、如濟法師(左)攝於福慧寺



欽因長老與成觀法師(右)攝於福慧寺



福慧寺前與大眾合影



成觀法師手執法卷示眾(攝於大毘盧寺)

右圖：  
成觀法師手執賢首宗  
兼慈恩宗法卷留影



左圖：  
成觀法師著真言宗  
阿闍梨法服留影

# 助印「華嚴法門集要」功德名錄

## 台幣部份：

- 二〇〇〇〇元：王惠照  
一〇〇〇〇元：郭春梅、李陳紫、李淑媛  
五〇〇〇元：蘇榮灑、蘇晏慶、林月嬌、劉東海、劉光啓  
三六二〇元：三寶弟子  
三〇〇〇元：陳慶隆  
二〇〇〇元：王月英、邱水木、邱劉阿菜（往生）、邱文敏、邱顯清、邱文真、邱文怡、張正昌、呂理正（往生）、葉忠武  
一五〇〇元：蔡美惠、莊德銘、林怡文  
一〇〇〇元：洪富子、賴淑卿、陳美玉、林秀英、林淑慧、呂尚曄、呂品臻、蔡慶成、陳美紅、趙爽妙、吳振盛、侯梅玲  
六〇〇元：林擁欣、王玉蘭  
五〇〇元：邱麗玉、吳嘉錕、江偉傑、林凡鈺、江思穎、江思順、郭冠顯、蔡金池、李麗珠、蔡鎮宇、鄒美雲、邱文章、蕭月珍、簡仲一、簡形恩、簡振成、梁子誼、汪濟平  
四〇〇元：釋眞力、陳秀眞  
三二〇元：柯運銘  
三〇〇元：黃瑞豐、鍾玉燕、蕭果傳、蕭吳勸、蕭惠玲、莊子嫻、王李丹、盧清裕、鄭金

- 幸、張碧娟
- 二〇〇元：釋真願、黃忠川、黃文隆、黃炳誠、黃仔婷、潘美鳳、曾萬金、曾簡娥、廖偉成、林永建、高玫、林劭全、高心康(往生)、林貽楷(往生)、林吳淑貞(往生)、吳素蘭、高璋、陳彥文、陳彥云、陳錦祥、林金柳、陳建志、鄭媛心、陳柏誠、陳姿穎、陳世斌、張淑恩、陳品蓉、陳淑華、李英彰、李旻楨、李宛穎、陳德根、溫一庭、白巧宜
- 一〇〇元：釋真行、蔡惠環、陳世珍、秦憲錚、秦維均、秦珮瑩、陳范網妹、黃萩惠、黃靜汝、吳浩洋、吳杰宇、陳挺生、蔣玉華、陳德駿、陳德翰、蔣憲中、蔣吳依蓮、陳啓賓、陳彥賓

### 美金部份：

- 一三六元：明惟
- 一〇〇元：圓蓮、慧審、袁章
- 五〇元：慧持、李郁芬、李安怡、蘇義徵、蘇李梅、李錦潤、定普
- 二五元：圓慧(陳)、圓愍、圓忠、圓孝、圓仁、慧靖、圓慈、張心華、蘇才輔、蘇才鈞、慧綱、慧紀
- 二〇元：圓鈺、慧錦、慧光、慧儀、慧端、慧明、慧藏、圓良、李偉仲、李卓漢、李偉恆
- 一五元：Yen-Yu Lu, Shu-Ming Lu Yang
- 一〇元：圓善、盧亞細、圓璧、Dan Koenig、圓定、圓勤、圓至、慧瑩、慧淳、圓持、何曉嵐、圓節、圓純、圓盛(黃)、阮瓊仙、Rich Wong、Tiffany Wong、慧忻、慧然、慧上、圓真、明誠(往生)
- 五元：圓道、圓德、圓現、圓義、圓均、侯國川、黃阿娥、林何玉惠、圓實、陳行隆、

陳遠碩、陳慧玲、陳張多、簡朱英、簡多惠、簡正德、朱守義、慧徹、圓殊、Lavern D. Loomis、孫黎、熊英、熊云翔、胡浩

### 「昆盧印經會」基本會員名單

釋成觀、釋信覺、釋真行、釋真願、釋真力、釋體智、釋心慈、林秀英、張淑鈴、李錫昌、李陳紫、李淑媛、李宗憲、陳慧真、李淑瑩、李怡欣、李啓揚、張大政、王月英、張金員、蕭惠玲、吳蕭幼、王元傑、宮林玉蘭、王文君、宮貴英、宮桂華、林煜榮、李英彰、吳龍海、蘇金滿、秀羽素食館、顏藹珠、張春榮、曾簡娥、張進財、邱泰華、江素絹、趙文璋、張正昌、賴照雄、黃萩惠、洪妙珍、張玉城、廖世宏、許明全、許林碧惠、許敬暉、吳佳玲、王韻蕙、曾萬金、廖偉成、林佩瑤、鄭惠貞、黃靜汝、藍翊豪、藍進士、藍秀鳳、藍謝有親、藍翊璋、余崇佑、簡麗姑、蘇榮瀧、諸葛珍、王惠照、趙銘誠

### 「遍照印經會」基本會員名單

釋成觀、釋信覺、吳曉、簡慶惠、陳行隆、陳遠碩、陳慧玲、邵豐吉、邵陳世玉、陳永瑞、邵千純、陳雯萱、陳怡仲、陳怡寧、唐永念、陳國輝、吳秀芬、葉潔薇、邵俊雄、李應華、林斌、蘇清江、唐永良、詹朱界宗、Lavern Dean Loomis、詹雅如、嚴愛民、何林鈞、李宗勳、許碧鳳、李郁芬、李安怡、陳慧瑜、謝幸貞、劉嘉仁、黃育英、劉慧上、劉圓真、盧麗鴻、黃世松、劉文娜、Joseph Swartz







## 回向偈

願以此功德  
莊嚴佛淨土  
上報四重恩  
下濟三塗苦  
若有見聞者  
悉發菩提心  
盡於未來際  
修行無上道



## 華嚴法門集要

編輯者：釋成觀法師

發行者：大毘盧寺（台灣）· 遍照寺（美國）

出版者：毘盧出版社

登記證：行政院新聞局局版台業字第5259號

贈送處：(1) 台灣· 大毘盧寺

11691 台北市文山區福興路4巷6弄15號

Tel: (02)29347281 · Fax: (02)29301919

郵政劃撥：15126341 釋成觀

(2) 美國· 遍照寺 Americana Buddhist Temple

10515 N. Lanson Rd., Howell, MI 48855, USA

Tel: (517)5457559 · Fax: (517)5457558

承印者：東豪印刷事業有限公司

版次：佛曆二五四年觀音成道（2010年7月）初版

恭印一千冊

國際書碼：ISBN 978-957-9373-31-9

◎ 非賣品、贈閱、歡迎助印 ◎

[www.abtemple.org](http://www.abtemple.org)



國家圖書館出版品預行編目(CIP)資料

華嚴法門集要 / 釋成觀敬輯. -- 初版. -- 臺北市  
： 崑崙， 2010.07  
面； 公分

ISBN 978-957-9373-31-9(平裝)

1. 華嚴部

221.2

99014279

# 南無護法韋馱尊天菩薩

Namo Wei-to Pusa, the Honorable Celestial Guardian of Mahayana



